

三十代天師虛靖真君語錄序 序一

宇宙之間鍾光靈淑之氣者惟人而人之修乎身也有諸內必形諸外固凡蘊蓄之素者其能已於言乎雖老莊氏之學墮肢體黜聰明凡役乎外者一切斥絕務一返乎內而至於垂世立教之道亦必因言而後達且著焉由是觀之遊方之外者豈盡以言為無所用者哉蓋其於言也若太空行雲澄淵微瀾隨其動止而成文不可以跡見之也若儒之於言也達則雄邁放逸之情肆窮則羈愁感慨之語發者異矣雖然其道隆神化之久與天為徒久豈必以言之有無而後謂之至哉三十代祖虛靖真君以靈悟宿植遭熙洽之朝在崇寧靖康間徽廟崇道尤為而真仙輩出與真君上下一時者若徐神翁王文卿林靈素也凡驅禁崇平湖孽驗榮禮往往有異徵暨國運艱否預達災朕及致風霆曠雨特指顧問其道神行著誠足以羽儀天朝澤被含品矣雖相去數百載迄今人猶道慕之豈惟誇一時而後竟泯泯無聞者比哉舊傳應

化錄載述勳行詳矣凡真君流示世教之語陶冶性靈之篇又皆足以警迷啟蔽非遊神於胚腴塊坩之初蟬蛻於膠鶻塵滓之表無毫忽足以介其中者其所造詣能若是哉四方傳誦願見者惜不獲其全往嘗刊行久亦

遺缺因采之名山重鈔諸梓以廣其傳庶俾冠褐之士慕向之流探索於言外意表以悟火符之秘窮鉛汞之妙有餘師矣以是而進乎道德之域若所謂廣漠之野虛無之濱當層峰高林之間風清月霽之夕哦詠其空歌靈韻林唱泉答又焉知其霓旌霞佩之不來降也哉其可不與老莊氏之言而並傳乎宇初泰嗣匪才豈足以盡其讚頌揚美嘗懼有所逸墜姑序其槩於首以俟諸大手筆焉歲洪武二十八年乙亥中元後上吉日正一嗣教道合無為闡祖光範真人領道教事嗣漢四十三代天師嗣孫宇初齋沐再拜謹序

三十代天師虛靖真君語錄卷之一

嗣孫四十三代天師宇初編次

文

心說

夫心者萬法之宗九竅之主生死之本善惡之源與天地而並生為神明之主宰或曰真君以其帥長於一體也或曰真常以其越古今而不壞也或曰真如其寂然而不動也則用之則彌滿六虛廢之則莫知其所大無外則宇宙在其間而與太虛同體矣其小無內則入秋毫之末而不可以象求矣此所謂我之本心而空劫以前本來之自己也然則果何物哉香兮冥恍兮惚不可以智知不可以識識強名曰道強名曰神強名曰心如此而不由是觀之豈不大乎豈不貴乎然而輪迴於三界出入於生死而不能自己者何也蓋一念萌動於內六識流轉於外不超手善而起手惡故有天壹地獄因果之報六道輪迴無有出期可不痛哉可不悲哉若夫達人則不然也故齋戒以神明其德一真澄湛萬禍

消滅老子曰致虛極守靜篤萬物並作吾以觀其復夫物芸芸各歸其根歸根曰靜靜曰復命復命曰常知常曰明不知常妄作凶所謂常者越古今而不壞者是也所謂妄者一念纒起者是也莊子曰既以為物矣欲復歸根不亦難乎在易也其為大人乎自茲以往慎言語節飲食除垢止念靜心守一虛無恬淡寂寞無為收視返聽和光同塵暫起是病不續是藥不怕念起惟恐覺遲譬如有一髮朝朝思理有身有心胡不如是行住坐卧勿使須臾離也無何有之鄉華胥氏之國吾其遊焉

開壇法語

君不見千丈梯倚於峻嶺躡之可至巔峰臨於陸地則數尺墻不可越梯非不及所立者非萬斛之舟安於大川濟之可涉江海委於湫水則數步溪不可渡舟非不能所安者非吾家法錄上可以動天地下可以撼山川明可以役龍虎幽可以攝鬼神功可以起朽骸修可以脫生死大可以鎮邦家小可以却災

禍然得之在修失之在墮故匠者與規繩不能使必巧師者與模範不能使必行但人之恩情魔阻名利障難罪罟日增未嘗少息生形無父母身外誰親度日不過衣糧積之何用榮華富貴秉燭當風思愛妻兒同枝宿鳥高車大馬難將長夜之遊美妾艷妻寧救九幽之苦雕牆峻宇白玉黃金偶爾屬君不可長守茫茫三界碌碌四生一逐逝波未況苦海莫待鄴都使至黑簿勾名到此悔之何及今日汝去父母國來親師匠門躡躡擔簪銜霜冒雨傾肝滌膽來瞻太上之真風貴信投名拜受天師之秘籙從茲已去革故日新名雖奏於高穹身尚拘於世網從前恩愛割絕漸休日後冤憎相逢莫結惟是解紛挫銳濟物救人養性安恬存神靜慮攀緣既斷火必息於心猿妄想不生肉自停於意馬知身是患見命為真陽不照生陰不幽死自是大風不動劫火難燒念既絕於三尸性豈著於五慾瑤臺閬苑為自己之家鄉愛海恩山是他人之活計人生何定白首難期日月迅速下

手猶遲若更蹉跎空成潦倒此生幸到寶山不得回時空手伏願皇基永固聖壽延長四夷不戰來王萬國無私自化然後十方三界六道四生一切有情俱登道岸今則玄壇已就開度俄臨不敢久立學人伏惟珍重

答池州太守書

馬休糧來特承附書復審已移成都雖跋涉少勞所履泰定法錄且誼盟申謹須躬臨盟佩以全儀式因風聊布手誠休糧去別奉狀六月十三日未上望之太守

答具定府太守書

久違水表遽損瓊緘喜聞起居克臻沖適欣惟安府侍郎結髮從道奮身守儒浩乎學海之巨波卓爾文林之偉傑佇看大用以副群心即遂參承但深欣懌恭上真定府太守

答湯明權啟

某啟久服徽名阻親玄論仰斗每勞於夢寐披風遠隔於烟霞雲會未遑瓊緘首辱荷至誠之尤甚顧鄙野以何堪共惟明權玉闕高仙瑤臺上客棄利名之輕鎖務道德之樞機

圓象存神探玄珠於赤水怡和養性合至理
於華胥更宜極濟難危提引惠下全盡其人
之德發揮太上之風庶幾羽蓋龍鱗共訪華
陽之境雲旌霓輦同遊太極之天

答太守林公書

曩者所授功法乃得聖師口訣更在勤行雖
然不白日輕舉亦得身色無遺在世延年長
生不死矣奉祝奉祝其上林公道友

答林靈素書

飄笠無情雲烟冥取金門紅霧漫為天上之
遊白石清泉方保山中之適萍梗偶成於會
合雲泥各致其道遙一隔江山屢移寒暑開
名日起浪跡時睽靖惟道本自然神非別有
明月周流碧漢光本無形白雲來去青山色
非有跡卷入壘而蛾去雀赴水而蛤生變化
斯須循環影響趨向不干於模擬浮沉自得
於方圓萬象有殺有生春花秋落一氣互消
互息夜露朝晞五湖放浪於扁舟三島翱翔
於玄鶴升高須遠就下無難不昧先機方為
達者遠承梅驛徑復華筵幸閱沖和適符歎

記

傳天師與弟青詞

昔三天之後父往而子來今諸籙之師兄辭
而弟受當小臣之披戴祈太極以鑒知將儲
福於微躬實難忘於大賜臣無任

謝官職表

時不迫人悞蒙天眷恩沾同氣慶洽私門自
愧寵驚寶增欣抃誠惶誠恐伏念臣頃當總
角獲奉清光七換歲華三頒詔節構瀆雲
眉之宇以便焚修賜宣和御札之經俾成功
行俄下漏泉之澤及巨同產之兄遭過踰涯
報稱何地茲蓋伏遇特崇教範無間顯蒙義
重天倫推及臣子雖緣故例竇駭當時大馬
之心所當自竭鳳鸞之宇何極其榮中殫香大
之誠上祝岡陵之壽臣瞻天望聖激切屏管
之至謹言

三十代天師虛靖真君語錄卷之一

三十代天師虛靖真君語錄卷之二

嗣孫四十三代天師守和編次

五言古詩

同石元規講鷓鴣偶書

翺翔數仞間何異九萬里大道蕩無名無彼
亦無此倬哉元規翁斯言迨盡矣一物自太
極志士標高擬鵬手與螭鳩涉辨非至理有
形相變化不出六合裏飛躍涉程途底用嘲
遠邇迺識道遊深發玄旨講罷四窻間
忘言空隱几

運使徐中奉尋李隱者于本部因臨訪

上清遂得焚茶款話至夜分乃散明自
悅耳信有瑰偉崇高變通之論山川之
秀亦有增明日分袂時宣和五年其略
於是篇也

西風初飄飄白雲仍瀼瀼有人浮大川東巡
抵鏡陽實受九重書因之訪丹房山氣龍虎
明青林雲表長與予適相值議論清冰霜已
暮更秉燭坐偶新月涼玉蟾翳烟景金鸞扇
天香影落如卿雲爛然獻奇祥六合無異色